



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-633

08/07/2019

ქ. თბილისი

ზუგდიდის მუნიციპალიტეტში, სოფ. ჩხორიაში, შპს „აგროლაზიკას“ სანერგე მეურნეობის სარწყავი (სამელიორაციო) სისტემის მოწყობა-ექსპლუატაციაზე სკრინინგის გადაწყვეტილების შესახებ

შპს „აგროლაზიკას“ მიერ გზმ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია „ზუგდიდის მუნიციპალიტეტში, სოფ. ჩხორიაში სანერგე მეურნეობის სარწყავი სისტემის მოწყობა-ექსპლუატაციის“ სკრინინგის განცხადება.

წარმოდგენილი დოკუმენტაციით დგინდება, რომ ხეხილის ბაღი მდებარეობს სასოფლო-სამეურნეო დანიშნულების მიწის ნაკვეთზე ზუგდიდის მუნიციპალიტეტში, სოფ. ჩხორიაში. ნაკვეთის ფართობი შეადგენს 5 000 მ². (ს/კ 43.01.51.014).

წყალმომარაგების მიზნით შპს „აგროლაზიკა“ გეგმავს მდ. ენგურის მცირე ზომის შენაკადიდან წყლის აღებას, რომელიც სანერგემდე მიყვანის მიზნით ითვალისწინებს მცირე ზომის სარწყავი სისტემის მოწყობას.

სამელიორაციო სისტემის მოწყობის მიზნით გამოყენებული იქნება 5 მეტრი სიგრძის და 75 მმ დიამეტრის მქონე პოლიეთილენის მილი და 1 ცალი 2,0 მ³/სთ წარმადობის ტუმბო. წყლის ტუმბო იმუშავებს ელექტროენერგიაზე და წელიწადში მოიხმარს საშუალოდ 1 000 კილოვატ ელ.ენერგიას.

ხეხილის და კენკროვანი კულტურების სანერგე მეურნეობის მოსარწყავად წელიწადში გათვალისწინებულია 5 000 მ³ ზედაპირული წყლის გამოყენება. ვინაიდან წყალი გამოიყენება მოსარწყავად, ჩამდინარე წყლების წარმოქმნას ადგილი არ ექნება.

სარწყავი სისტემის მოსაწყობი სამუშაოების მცირე მასშტაბიდან გამომდინარე მნიშვნელოვანი სამუშაოების ჩატარება არ არის გათვალისწინებული, შესაბამისად ნიადაგზე და გრუნტზე მნიშვნელოვანი ზემოქმედება არ არის მოსალოდნელი. სარწყავი სისტემის მოწყობის პროცესში მიწისა და გრუნტის წყლებზე ზემოქმედება მოსალოდნელი არ არის, ვინაიდან სამუშაოების პროცესში არაა გათვალისწინებული სპეც. ტექნიკის გამოყენება, რამაც შესაძლებელია გამოიწვიოს ნიადაგის დაბინძურება საწვავით და ასევე საზეთ-საპოხი მასალებით.

სარწყავი სისტემის მოწყობის დროს სახიფათო და არა სახიფათო ნარჩენების წარმოქმნას ადგილი არ ექნება.

საპროექტო არეალის მდებარეობიდან და საქმიანობის სპეციფიკიდან გამომდინარე ბიომრავალფეროვნებაზე მნიშვნელოვანი ზემოქმედება მოსალოდნელი არ არის.

პროექტის განხორციელება არ საჭიროებს დამატებით მისასვლელი გზების მშენებლობას.

სარწყავი სისტემის მოწყობის და ექსპლუატაციის ეტაპზე ზემოქმედება ატმოსფერულ ჰაერზე მოსალოდნელი არ არის.

სამელიორაციო სისტემის მოწყობის და ექსპლუატაციის ეტაპზე ავარიული სიტუაციებისა და კატასტროფების რისკი არ არსებობს.

სკრინინგის განცხადების თანახმად, ვიზუალური შეფასებით, ტერიტორიაზე ისტორიულ-კულტურული მემკვიდრეობის ძეგლები არ აღინიშნება.

ტექნოლოგიური სპეციფიკიდან და ყოველივე ზემოაღნიშნულიდან გამომდინარე, ზუგდიდის მუნიციპალიტეტში, სოფ. ჩხორიაში, ხეხილოვანი და კენკროვანი კულტურების სანერგე მეურნეობისთვის სარწყავი (სამელიორაციო) სისტემის მოწყობა და ექსპლუატაცია არ არის დაკავშირებული გარემოზე მნიშვნელოვან ზემოქმედებასთან.

ზემოაღნიშნული კრიტერიუმების გათვალისწინებით, ასევე „გარემოსდაცვითი შეფასების კოდექსის“ მე-7 მუხლის მე-6 ნაწილის საფუძველზე

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ ზუგდიდის მუნიციპალიტეტში, სოფ. ჩხორიაში შპს „აგროლაზიკას“ სარწყავი (სამელიორაციო) სისტემის მოწყობა არ დაექვემდებაროს გარემოზე ზემოქმედების შეფასება;
2. შპს „აგროლაზიკა“ ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი რეგლამენტით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს შპს „აგროლაზიკას“;
4. ბრძანება ძალაში შევიდეს შპს „აგროლაზიკას“ მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში გადაწყვეტილება განთავსდეს სამინისტროს ოფიციალურ ვებგვერდზე და ზუგდიდის მუნიციპალიტეტის აღმასრულებელი და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი

მინისტრი